



Broj 05/1-
Tuzla, 25.05.2011.godine

Bosna i Hercegovine
Federacija Bosne i Hercegovine
TUZLANSKI KANTON
VLADA
Ured Premijera
n/r g-din Mirsad Bakalović
Savjetnik Premijera

PREDMET: Pregled aktivnosti Ministarstva trgovine, turizma i saobraćaja za period
12.02.- 25.05.2011.godine, dostavlja se

Poštovani,

Shodno traženom, dostavljamo Vam pregled aktivnosti Ministarstva trgovine, turizma i saobraćaja za period 12.02.- 25.05.2011.godine po Odjeljenjima.

ODJELJENJE SAOBRAĆAJA

Odjeljenje saobraćaja, kao organizaciona jedinica u sastavu Ministarstva je u izvještanom periodu uradilo sledeće:

- Pripremljen je nacrt Zakona o cestovnom prijevozu na području Tuzlanskog kantona koji je upućen Uredu za zakonodavstvo Vlade TK a nakon čega će dalje ići na Vladu i Skupštinsku proceduru.
- Urađen je i od Vlade TK prihvaćen Plan mjera za prevazilaženje teškoća s kojima se u radu suočava Aerodrom Tuzla, te stim u vezi i Projekat MAT- regionalni cargo centar sa Airparkom, takođe od Vlade TK prihvaćen kao strateški projekat od značaja za Tuzlanski kanton.
- Pokrenut je proces prekategorizacija cesta na području Tuzlanskog kantona, što je veoma značajno ako se zna da u proteklih 15 godina nije bilo želje ni da se govori o tome u FBiH-i.
- Svi poslovi u vezi izdavanja licence, taksi oznaka, bilateralnih dozvola i Rješenja o ispunjavanju tehničko-eksploatacionih uslova rađeni su transparentno i u skladu sa iskazanim potrebama, a potom javno objavljeni na oglasnoj ploči ministarstva. U toku su pripreme aktivnosti kojima bi se period izdavanja ovih dokumenta skratio i smanjio broj potrebnih uvjerenja za izdavanje istih.
- Ukupno je u ovom periodu po osnovu svih naplaćenih taksi za izdate dokumente u Odjeljenju saobraćaja ostvareno prihoda u iznosu od 173.846,00 KM.



ODJELJENJE TRGOVINE I TURIZMA

- S početka godine došlo je do poremećaja na tržištu osnovnih životnih namirnica što je rezultiralo početkom divljanja cijena, naročito brašna, hljeba mlijeka i mliječnih proizvoda. U koordinaciji sa Federalnim ministarstvom, Savjetom potrošača, udruženjima u Privrednoj komori TK i inspekcijama pratili smo cijene i svakodnevnim kontaktima utjecali na stabilizaciju cijena odnosno marži i ukupnog tržišta.
- Ministarstvo je uložilo napor u poduzimanju mjera kako bi se ostvarila Ustavna pozicija kantona u vođenju politike turizma. Ministarstvo je prikupilo dovoljno činjenica koji govore o neodgovornom i nezakonitom ponašanju struktura Turističke zajednice TK. Zato je bilo neophodno da Ministarstvo prouči sve činjenice i pravne aspekte kako bi argumentirano predložilo Vladi TK da donese Odluku o raspuštanju Skupštine TZTK što je osnovna pretpostavka da Ministarstvo i Vlada ovladaju problemom kako bi ispunilo svoju Zakonsku i Ustavnu obavezu.
- Zbog nedostataka u Federalnom Zakonu o ugostiteljstvu, koje posledice trpe i ugostitelji, i potrošači i budžet TK, Ministarstvo je učinilo napor i izradilo Nacrt Zakona o ugostiteljstvu TK koji se nalazi u stručnoj proceduri kako bi ga Vlada mogla usvojiti u formi prijedloga. Uz to, započet je i rad na Nacrtu Zakona o turističkoj djelatnosti TK.
- Dugogodišnji problem DD „Konjuh“ Kladanj je bio u fokusu rješavanja na način privatizacije. Naime, traženje potencijalnih kupaca Ministarstvo nastoji na kvalitetan način prodati 67% državnog kapitala kako bi se iskoristili golemi turistički potencijali Konjuha i „Muške vode“ i razvili, zasad, mali turistički resursi. Ponuda hotela Tuzla da za 80.000 KM kupi ovaj kompleks je odbijena kao neozbiljna jer je procjenjena vrijednost DD „Konjuh“ cca 8.mil.KM.
- Da bi u potpunosti vladalo područjem ugostiteljstva i trgovine Ministarstvo je učinilo golem napor i napravilo baze podataka koje ćemo uskoro dati na korištenje trgovinskim i ugostiteljskim firmama, Privrednoj komori TK općinama, urbanistima i drugim zainteresiranim subjektima.
- Ministarstvo je, u cilju promovisanja turističkih resursa TK pružalo stručnu i materijalnu pomoć sajmu u Lukavcu te Direkciji za izbor Miss Federacije BIH za Miss BIH, obavljalo redovne poslove u vezi kategorizacije smještajnih kapaciteta, vodilo poslove u kontroli poslovne sigurnosti turističkih agencija naročito onih koji se bave organizacijom đačkih i studentskih ekskurzija.

MINISTAR

Aziz Čačković, dipl.pravnik

Dostavljeno:

1x Naslovu

1x Evidencija

1x a/a